

NAQQIUT

Akissuteqaat 24. oktoberimeersaq taarserpaa
(akissuteqaammi allanngineq)

Kalaallit Nunaat naalagaaffinngorusussagalarpat Kalaallit Nunaat Danmarkilu akunnerminni inatsilerinikkut, politikkikkut aammalu aningaasatigut inissisimaneranut tunngatillugu Namminersorlutik Oqartussat Naalagaaffillu peqatigiillutik naatsorsuutigisassanik aaliangeeqatigiinnissaat ilumut isumassarsiatsialaanersaq oqallisissiatut siunnersuut.

(Inatsisartunut ilasortaq Jens-Frederik Nielsen, Demokraatit)

Akissuteqaat

(Naalagaaffinngornissamut Nunanullu allanut Naalakkersuisoq)

Siullermeerlugu suliarineqarnera

Naalakkersuisut sinnerlugit Inatsisartunut Ilasortaq Jens-Frederik Nielsen Demokraatit apeqquteqaat aallaavigalugu oqallisissiamik uuminnga saqqummiussaqaqarneranut qujarusuppunga.

Naalagaaffinngornissamut tunngaviusumik sinaakkutissat Naalakkersuisut suliarivaat. Kalaallit naalagaaffissaannut tunngaviusumik sinaakkutit tassaassapput suliffiup iluani, nunallu iluani sinaakkutit, taakkulu inatsisiliortuusugut inissinnissaat qulakkiigassaraarput. Naalagaaffiit innuttaasunut pisussaaffii malillugit kalaallit inuiaqatigiittut oqartussaaqataaneq namminersornissarlu pisinnaatitaaffigaarput. Namminersornermut inatsimmi ilaatinneqarpoq FN-imilu tamanna tusaatissatut tiguneqarlunikuulluni.

Inatsit Tunngaviusussatut missiliutip naammassinera tigunikuuarput. Suliaq tamanna ingerlateqqillugu innuttaasunik akuutitsineq ingerlanneqassaaq, tassuuna Inatsit tunngaviusussaq innuttaasunut, kulturitsinnut nunatsinnullu tulluurtuunissaa angujumalugu.

Naalakkersuisut Siuariartortitsinermut Piusinnaassutsimullu pilersaarutissaat naalagaaffinngoriartornermut tunngavissatut siuarsaaqataassaaq, tassani aningaasaqarnikkut ineriartornissamut aqqutissat namminiilivikkiartornissamut siursaataasussat tapertaassammata.

Nunatta naalagaaffinngornissaanut nunatsinni suliaasavut pisariaqartut aallartinniarlugit aammalu Danmarkimik suleqateqarnerput eqqarsaatigalugu sinaakkutissat suliarinissaat piffissanngorpoq.

Sulinissatsinnut tunngavissamillu inissisimaffigisassatsinnut sulinissamut piffissaq atussallugu pingaarneruvoq.

Oqaloqatigiittoqarsinnaanera sioqqullugu sinaakktissanik ersarissaaneq, tunngaviliineq piareersarnerlu ingerlatissavagut. Siunissami Kalaallit Nunaata namminersortup atuutilersussap angunissaanut ilisimasaqarnerulernissaq ingerlatissavarput, suliassarlu uagutsinniippoq, tamannalu oqaloqatigiinnermiinnanilu Danmarkimik piviusorsiortumik isumaqatiginninniarnermiippoq. Taama sinaakkusiornikkut nunatta Danmarkillu akornanni inatsisitigut politikikkut aammalu aningaasaqarnikkut nunatta naalagaaffinngornissaanut kissaateqarnerup suliarinissaanut pitsaasumik toqqammavissiiinnaavugut.

Taama oqaaseqarlunga pitsaasumik angusaqarluarnissarlu siunertaralugu oqallinnissamut qilanaarpugut.